

悔翁筆記

附詩詞鈔

悔翁詩鈔

上元吳氏銅鼓軒重雕民  
國廿年十月版歸燕京  
大學圖書館補刊印行

梅翁詩鈔目錄

卷一

四五言詩六十八首

卷二

五古四十一首

卷三

五古六十二首

卷四

五古三十四首

卷五

五古三十首



卷六

七古四十七首

卷七

七古四十三首

卷八

七古二十六首

卷九

五律九十首

卷十

七律七十一首

卷十一

七律五十六首

卷十二

七律六十九首

卷十三

七律七十三首

卷十四

七絕九十首

卷十五

七絕八十首

補遺

古今體詩一百四首

言目金  
先生天性簡夷雅耆典籍貧賤患難弗渝素懷一  
切塵緣皆稊秕已曾文正公以謂芳絜欲師陶靖  
節湛冥略近蜀君平蓋紀實也文字語言非所惜  
意掇拾所見聊志鱗爪云爾光緒甲申受業合肥  
張士珩謹識

悔翁詩鈔目錄終

悔翁詩鈔一

江甯汪士鐸

甥上元吳達重校刊

庚戌十二月十九日祭蘇文忠公於黃樓作一百韻

芒芒禹跡畫此徐州東控淮海上應降婁惟公誕月值  
斗牽牛分符作牧弗競弗絳婦孺忻抃吏士歌謳文章  
風節昭曜千秋侍從館閣匡贊皇繇赤舌燒城炎荒是  
投賜環毗陵箕尾光流後七百年仰止山邱河魚大出  
芳園新竊合賢賓從爲壽黃樓式誦前烈以侑觥籌昔  
公下車偕弟子由牀聯風雨詩和琳璆溫溫駕部河圖  
天球暨迨叔黨卽席衣摳祈晴高廟植柳芳洲呂梁百



步嘯侶命儔堯文教授繭足何求清臣秉臬欲化鵩  
長道魯寶遺文校讐山人放鶴笑傲公侯豸爲繡服羊  
本束修大文磨琢天倪夷猶少游赴試潤色洪猷詩才  
開婉道力清道明同秦鑑利辟吳鉤山谷投贄再唱再  
酬猗苓桃李取喻最優笙簫洞壑仙人綢繆比之鸞鳳  
豈屑嘲啁杏圍斗室菊壓輕舟雞豚在御蒲桃滿甌參  
寥揮塵英盼轉喉洞簫吹月不必箜篌成虧今古泊然  
一鷗載祈靈澤戾止神湫竹弩射石僕姑誰抽牙霜毛  
雪載沈載浮月龍日虎若躡若蹂嘉禾仰膏雨沛雲油  
荆山峨峨澗曲谷幽爰相爰度石頑木樛妄云溝畎乃  
生瘡疣桓魋久朽惟餘松楸雷琴一鼓山水悠悠曹邨

旣決六塔徒修河入碭蕩徐方是愁負戶沈竈雉堞綠  
虬公親畚鍤徒跣甌窶牢城奉化軍捷如猴執挺召火  
雨不敢休南起戲馬北屬城頭隄一千丈包如大裘野  
食露宿髮若禿鷺綸綽嘉之褒語駢稠天王上洪木岸  
四周河流允翕民疾其瘳賓興有典鳴鹿呦呦西貢京  
洛北姬魯鄒吹笙釋菜衣絲弁俅金須淘汰玉藉雕鏤  
蘭芷旣拔珊瑚齊收春華受露秋鷹脫鞴水寒田瘠法  
有吳嚠炎官火織赤幘朱旒其光熊熊其氣煇煇貓虎  
同祀螟螣是憂以糞以沃且耨且耰人日俱乘講禮春  
蒐流星比箭長虹曳旂錦飛闌戟纓影兜鍪葵依戎帳  
隼動金眸毛血紛杳狐兔冥搜將官雷勝勇如虎彪武

士雲萃迅走驂騑城南班獲斜日回輶載燿載無以佐  
庶羞鳴鶡初歇爰念懷柔利國鐵冶微山之陬郊費旣  
荒泗沂爲溝塢張瑜攘狗盜鼠偷長吏相視富民是仇  
公籌上策保庶有鳩寓兵團練長戟夷矛師無乞魯鑄  
不停歐殲厥渠率保此田疇屯靜傳燧野絕鳴桴萬有  
千載實賴良謀緬昔攝提製錦秦郵吳趨聽鼓皆薦瀝  
滄今茲嘉平吉日敬諏籙有果餌簪盍應劉花豬告脯  
兕觥其醪饒閣百尺鴻跡想留顙視濁河冥契仙騶匪  
去匪住如一浮漚飛雲片片朔風颼颼公騎黃鶴庶其  
來游

鳳凰



鳳凰孤飛有鳩哀之高下離離若或徠之一解

妖狐九尾首戴人顱金支翠旗遨遊五都二解

婉悶重閣鹽陵在房赫蹠細書寄者于長三解

我家告繇姁見金夫一陰五陽剝牀剝膚四解

蜮恃陂塘含沙射人河朧善怒揚噉吹蘋五解

北斗插天枉矢縱橫誰奏綠章舌燒長城六解

所謂芝草鉤吻烏頭庸醫處劑加鬼督郵七解

祀於泰山孟酒蹄豚祝宗用圭殲厥妖魂八解

一鵬一鴟一梟或泣或歌永夕永朝九解

嚴霜密雪飛電疾雷烈火相燎何物不灰十解

凝鮑明遠飛白書勢用原韵代



剡籐霜潔鷺絹冰鮮譬諸素月忽籠輕烟近追邈隸遠  
配籀文直疑珠貫散若星分快掃晴雪淡抹春雲其峙  
鵠立其動鸞飛其撇弩發其點鶴歸方則陣布張則虞  
機墨瀋縱橫匠心獨逸野列方疏絲毫較密削牘雖盈  
纍黍不溢故能小祗徑寸大或終匹縛帚散沙是惟絕  
筆

五雜俎

五雜俎登甲榜往復還慎朋黨不得已甯山長  
五雜俎黃金臺往復還慎求才不得已甯草萊  
五雜俎絕耆欲往復還慎梁肉不得已甯脫粟  
五雜俎絕慶弔往復還慎言笑不得已甯山輶

五雜俎交道素往復還慎忌顧不得已甯布袴

讀阮籍詠懷

氣弱難作健虛左求同乘年力差肩隨才德較已勝草  
甘蛩蟹游鳴和鸞雀應豈不慕黃鵠小大勢不稱  
阮生志宏放遭時每慮禍作達寄其傲慎言不敢哆早  
生炎漢中端笏侍青瑱終當一鶚奮豈屑二豪佐文士  
不耕漁隱顯無一可揆華雖春葩薦筵始嘉果俯仰多  
所懷達人患有我

雁木有定評蘇李安足數金石契原難荷鉏託場圃東  
陵子母瓜芳鮮異臭腐比鄰皆沮溺分肉鼓社鼓悅澤  
致村醪歡愛同簷廡寄身簪紱間其災斯所取

言一  
首陽有嘉林太行或失路求仁一念專何當左右顧松  
柏挺寒岡葭莢彌秋渡旣發廣武歎益窘窮途步孫登  
言可懷嵇生錯已鑄假令肆臧否將軍詎保護

調息箴

寂然萬象閤陰陽糾濛濛炎炎高下莫離鉛判坎汞積  
塊眾形母大氣撓使動五行互糅雜紛紜若蠨螋異類  
聚其方化機俟挺捫帝武苟未歆安能瓜瓞率百骸皆  
蠢物宗氣執其總紫陽調息箴理可質周孔

有感

冰炭能相濟道術反相妒嬋娟不同貌酸鹹異所舖乘  
勢而執一蟻螳得雲霧班生敘九流殊派許共注巍巍

巨室煥主賓列奧阼楠宋効其任君無私喜怒

又

名實治之符辯慧亂之槩信在壹賞罰泰戒彫樂章卽  
調伊傅羹未必眾口說法立勇不守安用十堯桀險非  
太行坂皎若天山雪昔聞樓季健今乃同跛鼃秦楚可  
制挺况微等滕辭

又

有餘謀可豫能閒慮乃深繭足日百舍必有餘閒心人  
璧不足貴貴此一寸陰及時集羣策公立法令森然  
智愚範諷勸皆虞箴豪傑豈易觀切忌浮與沈

又



強藩邦之垣患乃在尾大老吏習舊章舞文成世害交  
深二五耦禍變結中外仁者蕭斧厲乘勢刈蒿艾巨憝  
一旦除餘子等自鄮復樸去彫華不才曷狼狽乘暇讀  
道經冥然安愚蠢

下青陽事

甲寅

貧者困飢寒富者多金珠居平不相下旣亂貴賤殊上  
下兩青陽甘心爲馳驅借以快恩仇賤亦受其愚何來  
一監軍體貌美且都謂此真誤事百室遭駢誅出示慰  
外小

賊中呼民曰外小

俾各安屠沽天道有巧還聞此聊歡虞

刺瑰花

甲寅

東風翦紫翠欲以娛嘉賓花有大智慧以刺衛其身可